

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 232097 23 St
Zenica, 20.01.2025. godine

Općinski sud u Zenici, stečajni sudija Amela Sinanović, u stečajnom postupku nad imovinom Društvo za proizvodnju, trgovinu i promet „AROMA-COMMERCE“, d.o.o. Žepče, Željezno polje bb, Žepče, odlučujući o prijedlogu za zaključenje stečajnog postupka nad stečajnim dužnikom od 30.10.2024. godine stečajnog upravnika Ismić Sulejmana, nakon održanog ročišta dana 16.12.2024. godine u prisustvu punomoćnika povjerioca Federalno ministarstvo finansija, Porezna uprava FBIH, Kantonalni porezni ured Zenica, Federalni zavod PIO/MIO, Kantonalna administrativna služba Zenica, zaposlenica Kustura-Imamović Semine i stečajnog upravnika, dana 20.01.2025. godine, donio je sljedeće:

R J E Š E N J E

Zaključuje se stečajni postupak nad pravnim licem Društvo za proizvodnju, trgovinu i promet „AROMA-COMMERCE“, d.o.o. Žepče, Željezno polje bb, Žepče, nakon djelimičnog namirenja troškova stečajnog postupka, zbog nedostatka stečajne mase za namirenje troškova.

Ovo rješenje će se objaviti u Službenim novinama F BiH, na oglasnoj tabli suda , web stranici suda , te dostaviti FIA-i.

Pravne posljedice zaključenja stečajnog postupka nastupiti će po proteku osam dana od dana objavljivanja ovog rješenja u "Službenim novinama FBiH", a po pravosnažnosti ovog rješenja navedeno privredno društvo će se brisati iz Registra društava, kod Općinskog suda Zenica, zavedeno pod matičnim registarskim brojem 1-8515 i svih javnih registara.

O b r a z l o ž e n j e

Ročište za zaključenje stečajnog postupka o prijedlogu stečajnog upravnika od 30.10.2024. godine održano je dana 16.12.2024. godine. Stečajni upravnik je na ročištu je ostao u cjelosti kod pismenog Izvještaj o radu sa finansijskim izvještajem podnesen sudu dana 30.10.2024.godine, te je istakao da je u toku stečajnog postupka izvršena prodaja jedine stečajne mase stečajnog dužnika teretnog vozila marke Wolkswagen, Caddy, za iznos od 800,00 KM, što je više od procijenjenog po ovlaštenom vještaku, da je prodaja izvršena kupcu iz Žepča Grabus Safetu neposrednom pogodbom, uz pismenu saglasnost povjerioca. Navedeni iznos od 800,00 KM iskorišten je za troškove objave oglasa radi okončanja postupka u iznosu od 100,00 KM, troškove vještaka u iznosu od 120,00 KM i materijalne troškove u iznosu od 295,00 KM. Nadalje, izjavio je da je Rješenjem ovog suda od 27.11.2024. godine utvrđena i nagrada za rad stečajnom upravniku u iznosu od 1.000,00 KM, a stečajni upravnik je na ime nagrade za rad naplatio iznos od 285,00 KM, dok preostali iznos troškova nagrade za rad u iznosu od 715,00 KM nije naplaćen. Izjavio je da je stečajni povjerilac Federalno ministarstvo finansija, Porezna uprava FBIH, Kantonalni porezni ured Zenica, Federalni zavod PIO/MIO, Kantonalna administrativna služba Zenica ostao u cijelosti nenamiren u iznosu od 104.787,45 KM, da stečajni dužnik nema bilo kakvu imovinu sa kojom bi se mogao nastaviti postupak.

Kako iz svega naprijed navedenog proizilazi da stečajni dužnik nema druge imovine iz koje bi se mogli namiriti troškovi stečajnog postupka, stečajni upravnik je predložio da se zaključi stečajni postupak zbog nedostatka stečajne mase, a društvo po pravomoćnosti briše iz sudskog registra i svih javnih registara. Prije zaključenja stečajnog postupka, predložio je da se pozove stečajni povjerilac da uplati iznos od 3.000,00 KM, ukoliko je navedeni povjerilac zainteresovan za dalji nastavak stečajnog postupka.

Punomoćnik povjerioca je izjavila da se ne protivi prijedlogu stečajnog upravnika.

Sud je izvršio uvid u Izvještaj stečajnog upravnika i utvrdio da priznato potraživanje povjerioca iznosi 104.787,45 KM i da povjerilac u istom nije namiren, te da vrijednost unovčene stečajne mase iznosi 800,00 KM koji iznos je utrošen za troškove stečajnog postupka i to troškove objave oglasa radi okončanja postupka u iznosu od 100,00 KM, troškove vještaka u iznosu od 120,00 KM i materijalne troškove stečajnog upravnika u iznosu od 295,00 KM, nagrade za rad stečajnog upravnika iznos od 285,00 KM, dok preostali iznos nagrade za rad u iznosu od 715,00 KM nije naplaćen.

Imajući u vidu izloženo, a kako iz izvještaja stečajnog upravnika i drugih dokaza u spisu proizilazi da su unovčenjem stečajne mase troškovi stečajnog postupka namireni djelimično, te da ne postoji druga stečajna masa za namirenje ostatka troškova stečajnog postupka niti namirenje potraživanja povjerilaca, a niti je povjerilac u ostavljenom roku predujmio troškove za nastavak stečajnog postupka, to je sud primjenom odredbe člana 196. Zakona o stečaju ("Sl. Novine F BiH" broj: 53/21) donio odluku kao u izreci.

PRAVNA POUKA:

Protiv ovog rješenja stečajni povjerilac i stečajni dužnik, imaju pravo žalbe u roku od 8 dana od dana objavljivanja u „Službenim novinama F BiH“. Žalba se podnosi Kantonalnom sudu u Zenici, putem ovog suda, u tri primjerka.

Stečajni sudija
Amela Sinanović, s.r.